

ԳԱՂՈՒԹԱՅԻՆ

ՀԱՅԱՍՏԱՆԻԱՅ ԵԿԵՂԱՑԻՈՅ ԱՐԵՒՄՏԵԱՆ ԹԵՄԻ 81ՐԴ ՊԱՏՊԱՄԱԻՈՐԱԿԱՆ ԺՈՂՈՎԸ

Թեմական Պատգամաւորական 81րդ ժողովին մուտքի արձանագրութիւնը սկսաւ Ուրբաթ, Մայիս 2ի առաւօտեան ժամը 9:00ին: Թեմակալ Առաջնորդ՝ Գերշ. Տ. Յովնան Արքեպիսկոպոս Տէրտէրեանի բացման Աղօթքէն ետք, ներկաները միաբերան երգեցին «Սուրբ Աստուած»ը, ապա Հոգւ. Տ. Պարեոս Մ. Վրդ. Երէցեան Հայերէնով եւ Անգլերէնով Աւետարանական ընթերցում կատարեց, ուր Քրիստոս կը պատուիրէր, որ սիրենք իրար:

Ատենապետ՝ Էտրիլըն Գրիգորեան յայտարարեց, որ օրինական

նագրութիւնը: Ատենապետի հրաւերով, Քահանայութեան Թեկնածու՝ Բրշ. Արսէն Սրկ. Հայրապետեան կարդաց Ն.Ս.Օ.Տ.Տ. Գարեգին Բ. Ամենայն Հայոց Կաթողիկոսին պատգամը: Պատգամաւորները յոսնկայա եւ ամենայն երկիւղածութեամբ ունկնդրեցին Վեհափառ Հայրապետին քաջալերական պատգամը:

Նորին Սրբութեան պատգամին Անգլերէն թարգմանութիւնը կարդաց Քահանայութեան Թեկնածու՝ Բրշ. Գրիգոր Սրկ. Աւագեան: Օրուան Հոգեւոր Պատգամը



Թեմական 81րդ Պատգամաւորական ժողովի մասնակիցները

մեծամասնութիւնը գոյացած էր աւելի քան հարիւր պատգամաւորներէն:

Ժողովին Դիւանը Սրբազան Հօր Նախագահութեամբ կը բաղկանար հետեւեալներէ.-

Իրաւաբանուհի Էտրիլըն Գրիգորեան՝ Ատենապետ, ձերբւրջ Չուլճեան՝ Փոխ Ատենապետ, Զարուհի Տէր Մկրտիչեան՝ Ատենադպրուհի Անգլերէնի եւ Արժ. Տ. Սիփան Աւագ Քհնյ. Միսեան՝ Ատենադպիր Հայերէնի:

Ատենապետուհի Էտրիլըն Գրիգորեանի բարի գալստեան խօսքին մէջ այս ժողովը պատմական նկատեց, որովհետեւ Շաբաթ, Մայիս 3ի կէսօրուան մօտ Մայր Եկեղեցւոյ կառուցման պաշտօնական եւ գործնական աշխատանքները պիտի սկսէին: Ատենապետուհին գնահատեց նաեւ Պատգամաւորական ժողովի Հիւրընկալ Յանձնախումբին կատարած սքանչելի աշխատանքը:

Օրակարգի որդեգրումէն եւ յանձնախումբներու նշանակումէն ետք, Պատգամաւորները վաւերացուցին նախորդ տարուան՝ 80րդ Թեմական Պատգամաւորական ժողովին Ատե-

տուաւ Արժ. Տ. Շնորհք Աւագ Քհնյ. Տէմիրճեան:

Ապա Պատգամաւորները հանգամանօրէն նկատի առին հետեւեալ տեղեկագիրները, որոնք արդէն իսկ տպուած էին ժողովի գրքոյկին մէջ.-

Թեմական Խորհուրդ, Առաջնորդանիստ Մայր Եկեղեցւոյ Շինութեան Յանձնախումբ, Առաջնորդանիստ Մայր Եկեղեցւոյ Հանգանակիչ Յանձնախումբ, Կրօնական Դաստիարակութեան Բաժանմունք, Քրիստոնէական Դաստիարակութեան Խորհուրդ, Էջմիածնի Փոքրիկներու Հիմնադրամ, Տիկնանց Միութեան Կեդրոնական Խորհուրդ, Առաջնորդարանի Տիկնանց Օժանդակ Մարմին, Հոգեւորականաց Վարչական Խորհուրդ:

Առաջնորդարանի Տիկնանց Օժանդակ Մարմնի Ատենապետ՝ Տիկին Սիւնտի Նորեան այս տարուան ընթացքին իրենց կողմէ գործադրուած Debutante Ball-էն գոյացած 50,000 Տոլարի չէքը գնահատական եւ երախտագիտական արտայայտութեամբ յանձնեց Առաջնորդ

Շաբ.ը էջ 17

ԱՐԱ ՍԱՐԱՖԵԱՆԻ ԴԱՍԱԽՕՍՈՒԹԻՒՆԸ ՀԱՅՈՑ ՑԵՂԱՍՊԱՆՈՒԹԵԱՆ ՄԱՍԻՆ

Շաբաթ, Մայիսի 9ին, 2008, երեկոյեան ժամը 8ին, խուռներամ բազմութիւն մը հաւաքուած էր Հ.Բ.Լ.Մ.ի Մանուկեան-Տէմիրճեան վարժարանի հանդիսասրահը, ունկնդրելու Լոնտոնի «Կոմիտաս» հիմնարկի տնօրէն Արա Սարաֆեանի ելոյթը, որուն նիւթն էր «Հայոց Յեղասպանութեան լուսթեան մատնուած ձայները»:

Հ.Բ.Լ.Մ.ի Ասպետներու համախմբումի կողմէ կազմակերպուած սոցն ձեռնարկին ներկայ էին Հայաստանի Աւագ հիւպատոսութեան խորհրդական Մեսրոպ Շապոյեան, հայ քաղաքական երեք կուսակցութեանց, մամուլի, միութիւններու ներկայացուցիչներ եւ այլ անձնաւորութիւններ:

Երեկոյի բացումը կատարեց օրուան հանդիսավար Արա Ակիշեան: Ան այս յատուկ ձեռնարկին առիթով ներկայ հասարակութիւնը ողջունելէ ետք նշեց որ սոցն միջոցառումը մաս կը կազմէ Ասպետներու Համախմբումի ամենամեայ ծրագրին՝ «Երեկոյ Մտաւորականութեան Հետ»:

Այնուհետեւ ելոյթ ունենալով Հ.Բ.Լ.Մ.ի Ասպետներու Համախմբումի ատենապետ՝ Գուրգէն Պէրքասնլար ամփոփ գիծերով ներկայացուց վեց տարիներ առաջ Լիբանանի օրինակով, Գալիֆորնիոյ մէջ հաստատուած սոցն համախմբումի ազգօգուտ առաջադրանքները: Ապա ներկաներուն ծանօթացուց օրուան հիւրը՝ Անգլիայէն ժամանած Արա Սարաֆեանը:

Իր դասախօսութեան ընթացքին Արա Սարաֆեան նշեց որ ուսումնասիրած է ամերիկեան, բրիտանական, հայկական եւ թրքական աղբիւրներ եւ ցեղասպանութեան վերաբերեալ տարած է վաւերագրական աշխատանք: Ան արտայայտեցաւ կարգ մը նոր աղբիւրներու մասին, որոնք ցարդ դուրս կը մնան ցեղասպանութեան մասին եղած քննարկումներէն:

Արա Սարաֆեան, այս տարի, Ապրիլի 24ի առիթով մասնակցած ըլլալով Սթանպուլի Պիլիկ համալսարանին մէջ տեղի ունեցած հրապարակային ասուլիսի մը, գայն նկատեց իսիտ կարեւոր եւ օգտակար: Քանի որ այսպիսով մենք առիթ կ'ունենանք թուրք հանրութեան եւ նոր սերունդին մեր ձայնը հասցնել ու գանձել մօտէն իրագելի դարձնել պատմական անհերքելի իրականութիւններուն:



Արա Սարաֆեան

Յարգարժան գեկուցաբերը զգուշաւոր լաւատեսութեամբ մօտեցաւ Թուրքիոյ մէջ նոր սկիզբ առած լայնախոհութեան եւ ազատ խօսքի ու մտածելակերպի մասին: Իբրեւ ապացոյց իր ըսածներուն նշեց իր անկաշկանդ ելոյթները թէ՛ Պիլիկ համալսարանէն ներս եւ թէ՛ տարբեր հեռուստակայաններէն ու տեղական մամուլի էջերէն, նշելով թէ ազատօրէն կատարած է հայ դատի ի նպաստ իր արտայայտութիւնները:

Իր կարծիքով՝ «Ներկայ պայմաններուն մէջ պէտք է շատ վիճալարօց ըլլալ մեր պատմական հողերուն վերատիրանալու հարցով: Ասիկա նուրբ պարագայ մըն է, որուն համար պէտք է խորիմաստ հասկացողութիւն ցոյց տալ...»:

Գալով Թուրքիոյ Եւրոմիութեան անդամակցելու խնդրին եւ այդ կապակցութեամբ յարուցուած խոչընդոտներուն, Արա Սարաֆեան Եւրոմիութեան կողմէ այս առնչութեամբ Թուրքիոյ վրայ բանեցուած ճնշումները գնահատանքի արժանի նկատեց:

Ա. Սարաֆեան դէմ առ դէմ երկխօսութիւնները օգտակար նկատեց եւ յորդորեց օգտագործել ներկայացուած պատեհութիւնները, որպէսզի աւելի ճիշդ հասկացողութիւն ցուցաբերուի ցեղասպանութեան խնդրին: Վերջաւորութեան տեղի ունեցաւ հարց-պատասխան եւ հիւրասիրութիւն:

Արդարեւ, սոցն երեկոն առաւել շահեկան պիտի ըլլար եթէ խոստացուածին համաձայն, քննարկումը կատարուէր նաեւ հայերէն լեզուով: Յամենայն դէպս իր ընդհանուր պարունակին մէջ հետաքրքրական միջոցառում մըն էր, որուն համար շնորհաւորելի են նախաձեռնողները:

Գ. Մ.

1975-2008
33th
ANNIVERSARY

Life, Health, Group Health
Disability, Long Term Care

NEW YORK LIFE

ԱՊԱՌՈՎԱԳՐՈՒԹԻՒՆԸ ԱՆԻՐԱԺԵՇՏ Է

ԵՐԻԵՔ ՈՒՇ ԶԷ ՎԵՐԱՔՆՆԵԼՈՒ ՁԵՐ ԱՊԱՌՈՎԱԳՐՈՒԹԻՒՆՆԵՐԸ

ՊԵՏՐՈՍ ԵՒ ՍԻԱՍԱՆԹՕ ՄԱՐՈՆԵԱՆ

818 500-9585 ABA INSURANCE SERVICES 805 E. Broadway . Glendale, CA 91205
E-mail: BMaronian@AOL.com ONE EIGHT HUNDRED FOUR "HAI-TAD"

